



laporan khas

Oleh Muhammad Saufi Hassan
am@hmetro.com.my

Kuala Lumpur

Golongan muda sering dianggap lebih 'celik teknologi' sekali gus sukar dijerat scammer atau pelbagai janji manis sindiket penipuan atas talian.

Namun hakikatnya berbeza apabila golongan muda mendominasi 'carta mangsa scammer' tertinggi berbanding mangsa dalam kalangan warga emas.

Golongan terbabit yang berusia antara 21 hingga 40 tahun merekodkan jumlah tertinggi mangsa penipuan membabitkan seramai 19,624 orang.

Angka itu jauh lebih tinggi berbanding kategori umur warga emas berusia 56 hingga lebih 61 tahun yang merekodkan angka 6,721 kes penipuan.

Statistik daripada Polis Diraja Malaysia (PDRM) berkenaan jelas menunjukkan golongan muda menjadi 'lu-

buk emas' kepada rangkaian sindiket penipuan berkenaan walaupun golongan itu sinonim dengan penggunaan teknologi.

Berdasarkan statistik rasmi PDRM, jenayah E-Dagang merekodkan jumlah tertinggi bagi kategori umur berkenaan dengan merekodkan 7,445 kes keseluruhannya.

Pada masa sama, Presiden Persatuan Pengguna Siber Malaysia (MCCA) Siraj Jalil melihat bahawa golongan umur berkenaan paling banyak terdedah dengan teknologi sekali gus menjadi sasaran mudah

sindiket penipuan.

"Kategori umur 21 hingga 40 tahun berkenaan adalah lapisan umur 'aktif media sosial' dan internet sekali gus menjadi sasaran paling kritikal untuk sindiket penipuan.

"Golongan ini juga banyak melakukan transaksi secara atas talian berbanding warga emas. Mereka mempunyai sumber kewangan bu- lanan dan faktor itu menarik perhatian sindiket penipuan untuk 'memancing' golongan umur berkenaan.

"Jika kita bercakap soal penipuan atas talian, ia sangat berkait rapat dengan

ketersambungan serta penggunaan peranti. Jadi golongan muda pastinya paling ramai memiliki peranti pintar dan aktif meng- gunakannya," katanya.

Siraj berkata, jika seseorang individu tidak aktif dalam internet, tidak aktif penggunaan peranti pintar dan media sosial, ia akan mengurangkan risiko mereka untuk terjebak dengan sebarang bentuk penipuan atas talian ini.

Beliau berkata, biarpun golongan umur terbabit sering dikaitkan dengan 'se- men umur celik teknologi' tetapi ia tidak menja- dikan mereka celik dengan sebarang ancaman siber.

"Ia perkara yang berbe-

za. Mengetahui teknologi dan peka dengan serangan siber atau penipuan adalah dua perkara berbeza. Mung- kin seseorang itu celik tek- nologi tetapi tidak terlalu peka dengan bentuk peni- puan yang ada dalam ruang siber ini.

"Pengguna perlu tahu dan tidak mudah terjerat de- ngan janji manis, penyama- ran sebagai pegawai agensi penguatkuasaan dan pena- waran keuntungan tidak masuk akal kerana ini semua skrip

biasa untuk sindiket peni- puan," katanya.

Menurutnya, sindiket pe- nipuan boleh berlagak se- perti mana-mana pegawai agensi penguatkuasaan dan mula memainkan emosi mangsa sebelum individu berkenaan terperangkap dengan 'ancaman' serta ke- takutan.

Katanya, berdasarkan trend penipuan dalam ta- lian ini, skripnya hampir sa- ma iaitu pemanggil akan memperkenalkan diri seba- gai pegawai agensi penguat- kuasaan.

"Mereka akan mula me- merangkap mangsa apabila melakukan 'perbualan ber- bentuk ancaman' (*verbal th- reat*) kononnya mangsa mempunyai rekod transaksi perjudian dan sebagainya.

"Apabila mangsa yang ber- ada dalam ketakutan dan ku- rang rasional untuk berfikir,

Gelojoh nak dapat wang mudah

Kuala Lumpur: Gelojoh tamak serta mahu men- dapat wang mudah antara punca sejumlah RM1.2 bil- ion kerugian direkodkan sepanjang tahun lalu.

Ini dibuktikan apabila polis merekodkan kira- kira RM176.01 juta kerugian membabitkan bermacam jenayah penipuan atas ta- lian sepanjang Januari la- lu.

Berdasarkan statistik ta- hun lalu, kategori usia 21 hingga 30 tahun merekod- kan kes paling tinggi ter- jebak dengan perangkap scammer iaitu 10,360 kes yang dilaporkan.

Bagi warga emas pula, rekod menunjukkan golo- ngan ini turut terjebak de- ngan sindiket penipuan dalam talian membabitkan lebih 2,000 kes penipuan.

Skim pelaburan tidak wujud menjadi 'resepi' pa- ling ampuh rangkaian sindiket peni- puan ini apabila

merekodkan jumlah keru- gian paling tinggi tahun lalu serta Januari lalu.

Pengarah Jabatan Siasa- tan Jenayah Komersial (JSJK) Bukit Aman, Datuk Seri Ramli Mohamed Yoo- suf berkata, bagi tahun la- lu, kes membabitkan pe- laburan tidak wujud me- rekodkan jumlah paling tinggi iaitu lebih RM472 ju- ta membabitkan 5,386 kes dilaporkan.

"Jenayah telekomunikasi merekodkan jenayah ke- dua tertinggi iaitu lebih RM353 juta dengan 10,348 kes dilaporkan kepada pi- hak polis.

"Selain itu, jenayah e-Dagang mencatatkan ke- rugian lebih RM204 juta diikuti jenayah e-Kewa- ngan (RM105 juta), *Love Scam* (RM43 juta) dan pin- jaman tidak wujud (RM40 juta).

"Bagi bulan Januari ini saja, re- kod

jumlah kerugian adalah le- bih RM176.01 juta mem- babitkan 3,390 kes kese- luruhan," katanya kepada Metro Ahad, semalam.

Ramli berkata, antara faktor menjadi punca ada- lah sifat tamak seperti ke- terujaan untuk melabur dengan memperoleh ke- untungan besar dalam ma- sa singkat.

Beliau berkata, 'janji' ko- nonnya wang keuntungan pelaburan boleh diperoleh dalam tempoh beberapa jam mendorong mangsa terjebak dalam pelbagai skim tidak wujud.

"Contoh lain yang ber- sifat terkini adalah melabur dalam pelaburan ma- tawang digital yang kurang difahami mereka. Pelabur muda ini tiada ilmu na- mun berani untuk melabur dalam jumlah besar," ka- tanya.



scammer berkenaan akan mula memerangkap dengan memberikan 'jalan penyele-saian' seperti memindahkan wang ke akaun lain.

"Ini antara skrip paling biasa digunakan oleh rangkaian sindiket penipuan dan ramai mangsa terjerat dengan manipulasi emosi oleh sindiket ini," katanya.

Beliau berkata, sudah sampai masanya pendedahan berkaitan keselamatan siber diterapkan di peringkat sekolah yang menjadi hab pendidikan di negara ini.



SIFAT golongan muda yang cenderung untuk melabur dengan memperoleh keuntungan besar dalam masa singkat menyebabkan mereka menjadi sasaran mudah scammer.